

# Algún regla importante di skol



Willemstad, yùni 2025

Pa medio di e karta aki nos ke pone mayornan di antemano na altura di algun di nos reglanan di skol ku ta pará den nos 'schoolreglement'.

Aparte di nos reglanan general nos tin tambe e reglanan aki ku ta konta mesun estrikto i ku nos ke pone atenshon na dje for di prinsipio.

**E karta aki mayor i alumno ta firma. E mester keda entregá huntu ku e formulario di inskripshon, riba dia di inskripshon!**

## Algún regla di skol :

### I. unifòrm mester ta semper na òrdu.

#### 1. Poloshirt:

- Ta pèrmití solamente poloshirt ku emblema di skol.  
Tin eksepsyon na momentu di morto di un famia serkano (den palabrashon ku dirèksi)
- Mucha hòmbènan mester bisti e poloshirt **kompletamente paden** di e djins.
- No tin mag di dobla e manganan di e poloshirt.
- No tin mag di hasi ningun kambio na e poloshirt.
- Pa hasi gemnastik mester tin e T-shirt shinishi ku emblema di skol i un shòrt desente blou skur òf un spòrtbruk

#### 2. Djins:

- Djins kolo **blou** i **lizu**: sin ningun dekorashon, sin buraku, sin nada di plak òf skibí.
- E djins **mester** ta sostené na sintura pa **un faha! Nos no ta aseptá djinsnan ku ta kai.**
- E djins mester ta largu te riba e sapatu òf e kèts.

#### 3. Sapatu:

- Kèts òf sapatu **kompletamente será** dilanti i patras.
- Semper **mester bisti mea** esaki en konekshon ku higiena.

**No ta pèrmití pa bisti ni slòf ni sandalia.**

### II Bo aparensia ta hopi importante.

#### 1. Mucha muhé:

- Kabei mester ta di koló natural, limpi i bon kuidá.
- No ta pèrmití kralchi den kabei ni tampoko lensu mará.
- Na kada oreá por bisti un máksimo di dos (2) renchi oreá.
- Pa motibu di siguridad e tamaño no por ta mas grandi ku e grandura di un florin.
- Uñanan mester ta limpi, nechi kòrta i bon cuida. No bini ku uñanan falsu largu.
- Make-up eksaherá no ta pèrmití.
- Den klas ni den kantor no ta pèrmití pèchi ni brel di solo.
- Tatuahe no tin mag di ta visibel.
- "Piercing" no ta pèrmití riba tereno di skol. **Nos lo kit'é i ward'é te na final di aña.**

## **2. Mucha hòmbèr:**

- a. Kabei mester ta di kolo natural, limpi i bon kuida.
- b. E kabei mester ta nèchi pelá, sin flèktu, sin krùl di drai, sin dibuho (strepì) ni tampoko kralchi den kabei.
- c. Renchi orea **no** ta pèrmití **riba tereno di skol**.  
**Si bini kuné tòg, nos lo kit'é i ward'é te na final di aña eskolar, tene kuenta ku esaki!**
- d. "Piercing" **no** ta pèrmití riba tereno di skol.  
**Esaki tambe nos lo kita i warda te na final di aña eskolar.**
- e. Den klas ni den kantor no ta pèrmití pèchi ni brel di solo.
- f. Tatuage no tin mag di ta visibel.

## **III. Telefon selular.**

- a. Preferibel no bin skol ku telefòn selular!  
Si bo bin kuné tòg, skol **NO** ta para responsabel pa nada ku por pasa bo selular.
- b. **No ta pèrmití pa usa telefòn selular den klas!**  
Promé ku dreña klas **mester** pone e telefòn selular na POWER OFF of Silent!  
**Si esaki no sosodé ta sigui medidan:**
  1. E promé biaha ku bo telefòn zona òf un dosente wak bo kuné den klas **lo kit'é for di bo i bo ta hañ'é bek te e dia siguiente.**
  2. Pa e di dos biaha, **mayornan ta bin busk'é na dirèksi despues di un (1) siman.**
  3. E di tres biaha, **bo telefòn selular ta keda warda té na final di aña eskolar (yüni)**

## **IV. Ophetonan di balor i aparatonan elektròniko.**

**No** ta pèrmití pa bini skol ku ophetonan i aparatonan di balor manera laptop, mp3-mp4, ipod, iphone, wega nan di kòmputer, kámara, prendanan di balor etc  
**Aki ta konta e mesun reglanan ku ariba menshoná pa selular.**

## **V. Tas.**

- a. Bukinan ta sumamente kostoso i ta p'esei mes nos ta eksihí di kada alumno un tas ku ta fuerte na tur banda pa protehá e bukinan.
- b. Tas di paña **no** ta pèrmití.
- c. "Rugtas" ku zip si ta pèrmití, Esun nan estilo di feter ku ta hala mara **no** ta pèrmití.

## **VI. Yegamentu lat.**

- a. Promé bèl ta bati **7.25** pa skol kuminsá. Di dos bèl ta bati **7.30** esei ta momentu ku ya alumnonan mester ta sintá den klas pa lèsnan kuminsá.
- b. Na ora di kambia lès, tampoko por yega lat. Si yega lat tòg ta sigui medidanan.

*Por favor yena e parti aki bou i entreg'é riba dia di inskripshon serka e dosente.*

**Mi a lesa e reglanan i mi ta di akuerdo ku esakinan!**

**Nòmber di alumno:** \_\_\_\_\_

**Firma di alumno:** \_\_\_\_\_

**Nòmber di mayor( nan) :** \_\_\_\_\_

**Firma di mayor( nan) :** \_\_\_\_\_

**Fecha:** \_\_\_\_\_